

Underhawing mo he wòrft met 55 lemmen vòòr f twee tege, aangeròmen.

Ei lènsbreed verq. a.d.

21 Okt. 2014

Griffie ER Bonaire	
Ingek.:	OCT 22 2014
Volgnummer:	2014-0850
Griffier:	Uitv.:



Voorzitter, Griffier.
[Handwritten signature]
[Handwritten initials]

Konseho Insular den un reunion fechá 21 di Oktober 2014, den sala di reunion 'Passangrahan'.

Tópiko: proseso adekuá pa yega na adaptashon ofisial i aplikashon efektivu di e rapòrt di Nibud ku tin komo tópiko primordial; "un presupuesto familiar rasonabel pa e komunidad Boneriano".

Konsiderando:

1. Ku den un reunion di konseho insular fechá 14 di òktober 2014, frakshon di partido Demokrat huntu ku frakshon di MBL a presentá un moshon ku basikamente ta pidi Konseho Insular pa aseptá e contenido di e "Nibud Rapport" aki, integralmente komo guia pa stipulashon di salario mínimo òf e montante mínimo ku famiyanan na Boneiru mester pa por hiba un bida desente;
2. Ku e moshon ariba menshoná a keda presentá manera un proyektil sin piloto i konsekuentemente sin direkshon, sin ku esaki a keda diskutí ku gremionan sosial, sindikal, ekonómiko i komersial, loke riba su mes mester wòrdu konsiderá komo un akto insólito i írresponsabel di parti di esnan ku a presentá e moshon aki;
3. Ku nos frakshonnan sinembargo ta rekonosé e contenido di e rapòrt aki i ta di opinion ku e tópiko aki **no** mester wòrdu hibá den e esfera politika partidista, pero ku esaki mester wòrdu atendé na un manera serio, pa por yega na resultadonann ku ta faboresé pueblo Boneriano sin krea problema ínesesario;
4. Ku pa yega na e resultadonan positivo na favor di nos pueblo, ta importante pa nos hiba e kombersashonnan preparativo nesario ku tur gremionan manera ariba menshoná;
5. Ku nos frakshonnan no ta kere ku e rapòrt "NIBUD" mester wòrdu tratá lòs for di otro rapòrtnan eksistente òf ku ta kedando kla, manera; "rapòrt vrije uitkering, rapòrt Unicef I rapòrt Min. Bu.Za.", pa asina Boneiru den su totalidat enkaminá e kaminda di desaroyo simultaneamente;

6. Ku komo konsekuensia di e argumentashon etalá bou di puntonan di konsiderashon 2, 3, 4, i 5, nos frakshonnan, ku ta di opinion ku 'kos serio mester wòrdu atendé na serio', no por a hasi otro i a rechasá e moshon, pa e manera íresponsabel i ínkompletu ku esaki a keda presentá.

Ta disidí:

- Pa urgi kolegio ehekutivo pa enkaminá di forma ímediato, e proseso pa yega na un dialogo habrí ku gremionan den nos komunidad, pa asina tur por duna nan opinion i reservanan, pa ku e rapòrtnan aki;
- Pa despues di e proseso di diálogo aki, presentá e rapòrtnan ariba menshoná, akompañá pa un dokumentu den kua e posishon di gremionan ta menshoná i tambe un posibel planifikashon di un trayekto pa yega na aseptashon i implementashon di e rapòrtnan aki ;

I ta pasa pa òrdu di dia;

Firmantenan:

Sra. M. Silberie (UPB)

Sr. R. Wilsoe (UPB)

Sr. R. Booi (UPB)

Sr. R. Santana (Santana)

Sr. J. Levenstone (UPB)